

اعتصام

شماره ۲ —

اعتصاموا

سنه ۱ —

۳ ربيع الاول
سنه ۱۳۳۷

{ مجله ايراني كوزلري نشر اولنوز }

۷ كاتون اول
سنه ۱۳۳۴

(مقاله)

(هر روز)

دين ايله دولتك تفرقي مسئله سي

اعتصام

علم و ايمان قوتى

م . ل

فهرست فحائم

احمد شيراني

استيفائى حاوى بر مکتوب

شعبان

جواب

اعتصام

فیشانی ۱۰۰ پاره در

آدرسى : فاتحه (اعتصام) محل اداره سى

اعتصم

﴿ واعتصموا ﴾

۷ کانون اول
سنه ۱۳۳۴

{ هفته‌ای مجمع‌الاسلامیه در. }

۳ ربیع الاول
سنه ۱۳۳۷

« دین » ایله « دولت » ك تفريقی مسئله‌سی

شو صیراده « دین » ایله « دولت » ك يكدیكرندن تفريقنه عائد بر مباحثه
آچیلدیغنی کورمکده بز . بز . بومسـئله مهمه‌نك بویله نابعوسم اوله‌رق مناقشه
ایدلمسني آرزو ایتزدك . فقط ماده‌كه قناعت فکریه لرینه حرمتکار بولندیغمن بعض
ذوات کرام طرفندن بویله بر مناظره اجراسنیده بآس کورولمبور ؛ بز . ده ذات
مسئله حقنده کی افکار ومطالعاتی بیان ایتك لزومی حس ایلدك . فقط حقیقتك
فهجنی تسهیل صورتیه قارئلرك مساویاً استفاده‌نی تأمین ایچون بحثك موضوعی
ستر ایدن پرده بجهولیتی . برآز قالدیرمق ایسترم .

« دین » ایله « دولت » ك يكدیكرندن تفريقی ، شو دیمکدرکه : دین اسلامك
عباداته عائد بشون احکامنك اجرایی ، هر مکلفك ارزو واختیارینه بیراقبله‌راق
مأمورات دینی‌نك قوه تأسیديه‌سی ؛ مکافات اخرویه سودا‌سنندن ، منیانك قوه
زجریه‌سی ده عقوبات اخرویه قورقوسنندن عبارت کاله‌جق ودولتی تمثیل ایدن
حکومت ، بو خصوصده کیمسه‌نی نه تشویق ، نه ده تحذیر ایتیه جکدر . دینك ،
اخلاقی ، اجتماعی ، اقتصادی ، اداری ، سیاسی کی احکامنه کانه‌جه ، مدیر امور
دولت اولانلر ، بوکارایات ایتك وایتدیرمك ایچون کندوسنده بر مجبوریات حس
ایتمه‌جك وتنظیم قوانین خصوصنده قواعد فقهیه‌یه موافقت ویا مغایرت جهتی

نظر دفته آلمایه جقدر . سوزی دهازباده اوزاتماق ایچون دیلمکه : دین ، یالکز
جامملرله قبلرده مسافر اوله جقدر . ایشته خلاصه سی شوتیجهیه وارن تفریق
مسئله سنک ممکن اولوب اولمایه چغنی ، عقلی ، شرعی ، سیاسی اولق اوزره اوج
جهتدن تدفیق ایدجکز .

عدم امکانیه اولاً عقلاً قائل وقانعز . چونکه دینک ، واضعی یابشردر
ویا خود « رب العالمین » دیدیکمز قدرت کلیه صاحبدر . اگر موضوعات بشریه دن
اولدینی قبول ایدیلورسه اووقت مسئله نك مناقشهیه ده کری قلماز ، بوتقدیرده
تفریق ، تبدیل ، تعدیل وحقی بسبتون الغاده ایدیه بیلیر . ایکنجی شقك قبولی
صورتنده ایسه تفریقك امکانسزلتی ایله قارشیلایشیرز .

سماوی اولدینیه معتقد بولنامز ، بزی ، دینک ، یالکز ماهیت اخرویهیی
حائز احکامه انحصاری عدم قبوله سوق ایدر . عکس تقدیرده واضع دینک قدرت
وسالاحتینی ده یالکز عالم عقبایه عائد امورك اداره سنه حصر ایتمه من لازم کلیرکه
الوهیت حقنده گوناگون ذهابلرده بولنان اقوام مختلفه دن هیچ بری الوهیتی یالکز
عالم عقبایه حصر ایدرک دنیاك آلهمز ویا خود بشقه بر آلهه مستند بولندیغنی
سویه نه مشدر . مثلاً : خیر ایله شرک وظلمت ایله نورك آیری آیری آلهلری
اولدینغه اعتقاد ایدنلر وارسه ده عقبایله دنیا حقنده بوکی طن وذهابلره تصادف
ایدله مشدر . کورولسه بیه معقول دکلر .

بالعموم آلهبون نظرند « الله » بتون عوالمك مدیر ومدبریدر . دین ،
بشریتك كافة امور ومعاملاتی تنظیم وحسن اداره ایچون وضع اولنش بر قانون
عمومیدر . اگر دین ، یالکز احکام اخرویه دن عبارت اولسه ایدی دینک
اسن اساسی تشکیل ایدن کتاب آلهی ، احکام سائرۃ دنیویهیی محتوی بولنیه حق
ودینک نشر وتعمیمیه مکلف طوتیلان حضرت محمدک ، اولیه برحکومت سیاسیة
اسلامیه دکل ، بر « تنکيه » تأسیس ایتمه سی لازم کلجکدی ، حالبوکه ذات
رسالتیناهیلری اولیه تنکيه دکل ، اک منتظم بر حکومت سیاسیة واسلامیه وجوده
کتیردی ، مادامکه حضرت محمد ، هم امور دینییه وهمده امور دنیویهیی عهدۃ
اداره سنده جمع ایدیوردی ، خالفانك ده عین موقعه بولنلری حسینیه ریاست دینییه

ودنیویه بی کندیلرنده جمع ایدم جکلری شبه سزدی نته کیم زمانغزه قادر امتداد ایدن
سلسله خلفا ، هپ عین صورتله ریاست حکومته یکمش وهیج بری دینی دولندن
تفریق ایتمه مشدر .

اگر دینی دولندن تفریق ونجرید ایدم جک اولور سهق حسب الخلافه دینک
احکامنی تنفیذ واجرا ایله مکلف بولنان امیر المؤمنین حضرت علی ، وظیفه مودوعه سنی
ایضایه خادم برواسطه بوله من چونکه اونک واسطه اجراییه سی ، دولتی تشکیل ایدن
بالعموم قوای حکومتدر . برواسطه اورته دن قالدنجه ، مقام خلافتک وظایفی ،
بالضروره معطل قالور . خاصه بووظیفه بی ایضا ایچون حکومت خارجنده بشقه برقوة
اجراییه وجوده کنیرمک وارد خاطر اولور سه بوکا قارشی دیرزکه : یوقوت ، احکام
اسلامیه نك یا کافه سنی اجرا ایله مکلف طوتیله حق ویا خودیالکمز احکام اخرویه نك
تعطیلی ایله مشغول بولنه جقدر . اگر اولکی خط حرکتی تعقیب ایدم جک ایسه
دینی دولندن تفریقده کی مقصد حصوله کلبه جک واکر ایکنجی بولدن کیده جک ایسه
مساعیسی داربر دژمه محصور قله جقدر . حالوکه خلیفه اسلام ، یالکمز احکام
اخرویه نك اجراییله دکل ، احکام دنیویه نك اغاذیلده مکفدر ، بلکه بو جهته
عائد مکلفیت دها زیاده در ، چونکه احکام اخرویه ده برابر اولدینی حالده بشون
قواعد دینییه نك وضعندن بکله نیلن غایه قدسیه ، بشریه نك معاشرات و معاملات
دنیویه بی حسن تنظیم ایتمکن عبارتدر ،

بوده انجق دینک مادی و معنجل برقوة تأییدیه و زجریه یه استنادیله حصوله کلبه سلور ،
کودر ولبور که عقل ، تاریخ اسلام ایله برلشه رک دینک دولندن تفریقنی تجویز ایتبور ،
باقالم شرع و سیاست ، جواز ویره جکی ؟

دعوتی اعتصام

دعوتی اعتصام